

十七史詳節

東萊先生晉書詳節卷之一

建陽

懷獨齋

劉弘毅

校刊

西晉本紀

宣帝

宣皇帝諱懿字仲達河內溫縣孝敬里人姓司馬氏少有奇節聰明多大畧博學洽聞伏膺儒教漢末大亂常慨然有憂天下心建安六年郡舉上計掾魏武帝為司空聞而辟之帝辭以風痺魏使人夜往刺之帝堅卧不動及魏武為丞相又辟為文學掾勅行者曰若復盤桓便收之帝懼而就職于是使與太子遊處魏既建太子中庶子每與大謀輒有奇策為太子所信重遷為軍司馬言於魏武曰昔其子陳謀以食為首今天下不耕者蓋二千餘萬非經國遠寄也雖戎甲未卷自宜且耕且守魏武納之於是務農積穀國用豐贍文帝即位轉丞相長史○黃初五年加給事中錄尚書事帝固辭太子曰吾於庶事以夜繼晷無須與寧息此非以為榮乃分憂耳○六年天子自廣陵還洛陽詔帝曰吾東撫軍當總西事吾西撫軍當總東事於是帝留鎮許昌及天子疾為帝與曹真陳羣並受顧命輔政詔太子曰有問此三公者慎勿疑之明帝即位改封武陽侯○青龍二年與諸葛亮相拒于五丈原會有長星墜亮之壘帝知其必敗時朝廷以亮倚軍遠寇利在急戰每命帝持重以候其變亮數挑戰帝不出因遣帝中帳婦人之師帝怒請決戰天子不許乃遣帝硬臣辛毗杖節為軍師以制之初蜀將姜維聞毗來謂亮曰辛毗杖節而至賊不復出矣亮曰彼本無戰心所以固請者以示武於其衆耳將在軍君命有所不受苟能制吾豈千里而請戰耶帝弟宇書問軍事帝復書曰亮志大而不見機多謀而少決好兵而無權雖提卒十萬已陷吾壘中破之必矣與之對壘百餘日會亮病卒諸將燒營遁走經日乃行其營壘曰天下奇才也帝急追之關

中多蕪穢帝使車士二十人著軟材平底木屐前行蕪穢悉著屐然後馬軍步兵進追到赤岸乃知亮死
 審問時百姓為之謬曰死諸葛走生仲達帝聞而笑曰吾使料生不便料死故也先主亮使至帝問曰諸
 葛公起居何如食可幾米對曰三四升次問政事曰二十罰已上皆自省帝告人曰諸葛孔明其能久
 乎竟如其言。四年東太守公孫文懿反徵帝詣京師天子曰此不足以勞君事欲必克故以相煩耳
 君度往還幾時對曰往日還百日攻百日以六十日為休息一年足矣。景初二年遂進師經孤竹越
 碣石次于遼水初文懿聞魏師之出也請救於孫權權亦出兵遙為之聲援遣文懿書曰司馬公善用兵
 變化若神所向無前深為弟憂之會霖潦大水朝廷聞師過雨成請召還天子曰司馬公臨危制變計日
 擒之矣既而雨止遂合圍晝夜攻之文懿攻南園突出帝縱兵擊敗之斬於梁水之上遂班師次白屋有
 詔召帝三日之間詔書五至帝乃乘追鋒車晝夜兼行自白屋四百餘里一宿而至引入卧内天子執帝
 手目齊王曰以後事相託吾忍死待君得相見無所恨矣與曹爽並受遺詔輔少主齊王即位以帝為太
 傅入殿不趨贊拜不名餽履上殿如漢蕭何故事。正始二年又增封四縣邑萬戶子弟皆為列侯帝勸
 德日盛謙恭愈甚以太常林鄉邑舊齒見之每拜常戒子弟曰盛滿者道家之所忌四時猶有推移吾
 何德以堪之損之又損庶可以免乎。嘉平元年誅曹爽兄弟天子以帝為丞相奏事不名冬十二月加
 九錫之禮朝會不拜固讓九錫。三年廢疾夢曹達王陵為崇慕焉之見魏志王陵傳于京師時年七十三晉
 國初建追尊曰宣王武帝受尊上尊號曰宣皇帝。魏武廢帝有雄豪志聞有狼顧相欲驗之乃召使
 前行令反顧面正向後而身不動因謂太子王曰司馬懿非人臣也必預汝家事太子素與帝善每相全
 佑故亮明帝時王導侍坐帝問前世所以得天下導乃陳帝創業之始及文帝末高貴鄉公事明帝以面
 覆牀曰若如公言晉祚復安得長導遂其猜忌蓋有符于狼顧也

制曰夫天地之大黎元為本邦國之寶元首為先治亂無常興亡有運是故五帝之上居萬乘以為憂
三王以來處其憂而為樂競智力爭利害大小相吞強弱相繫逮乎魏室三方鼎峙千戈不息氛霧交
飛宣皇以天挺之姿應期佐命文以繼治武以積威用人如在己求賢崇亮清深阻而莫測性寬綽而
能容和光同塵與時舒卷戢鱗潛翼思屬風雲飾忠于已許之心延安于將危之命觀其雄略內斷英
猷外決殄公孫于百日擒孟達于盈旬自以兵動若神謀無再計矣既而擁眾西舉與諸葛相持抑其
甲兵本無鬥志遺其巾幗方發憤心杖節當關雄圖頓屈請戰千里許欲示威且秦蜀之人勇懦非敵
夷險之路勞逸不同以此爭功其利可見而反閉軍固墨莫敢爭鋒生怯質而未前死疑虛而猶適良
將之道失在斯乎文帝之世輔翼權重許昌同蕭何之委崇華甚霍光之寄當謂竭誠盡節伊傅可齊
及明帝將終棧梁是屬憂遺二主佐命三朝既承力死之託曾無殞生之報天子在外內起甲兵陵土
未乾遽相誅戮貞臣之體豈若此乎盡善之方以斯為感夫征討之策豈非智而西愚輔佐之心何前
忠而後亂故晉明掩面耻欺偽以成功石勒肆言笑茲回以定業古人有云積善三年知之者少為惡
一日聞于天下可不謂然乎雖自隱過當年而終見嘯後代亦猶竊鍾掩耳以衆人為不聞銳意盜金
謂市中為莫覩故知貪於近者則遺遠溺於利者則傷名若不損己以益人則當禍人而禍己順理而
舉易為力背時而動難為功況以未成之晉基逼有餘之魏祚雖復道格區宇德被蒼生而天未啟時
寶位猶阻非可以智競不可以力爭雖則慶流後昆而身終于北面矣

景帝

景皇帝諱師字子元宣帝長子也雅有風彩沉毅多大畧少流美譽與夏侯玄何晏齊名晏常稱曰惟幾
也能成天下之務司馬子元是也宣帝之將誅曹爽深謀秘策獨與帝潛畫文帝弗之知也將發乃告

之既而使人覘之帝寢如常而文帝不能安席晨會兵司馬門鎮靜內外置陣甚嚴帝曰此子竟可也
初帝隆善死士三千散在人間至是一朝而集衆莫知所出也事平以功封長平鄉侯宣帝從議者咸云
伊尹既卒伊陟嗣事天子命帝以撫軍大將軍輔政○正元元年天子與中書令李豐后父張嬪等謀以
太常夏侯玄代帝輔政帝密知之逮捕玄等皆夷三族天子以玄緝之誅自不安而帝亦慮難作潛謀
廢立乃密諷魏永寧太后下令廢天子以齊王歸藩而立高貴鄉公髦○二年母丘儉文欽舉兵作亂帝
統中軍步騎十餘萬以征之遂斬儉傳首京師欽與子鸞敗奔吳初帝自有癰疾使醫割之醫之未攻也
驚而目出懼六軍之恐蒙之以被痛甚竟被敗而左右莫知焉崩于許昌時年四十八晉國既建追尊曰
景王武帝受禪上尊號曰景皇帝

大帝

文皇帝諱昭字子上景帝之母弟也進位大將軍加侍中都督中外諸軍錄尚書事輔政○甘露二年諸
葛誕作亂帝奉天子東征帝進軍丘頭攻誕城拔之斬誕夷三族魏帝命改丘頭曰武丘以旌武功於是
增帝邑萬戶食三縣諸子之無爵者皆封列侯○景元元年天子既以帝三世宰輔政非己出情不自安
將臨軒召百寮而行放黜帝知之召護軍賈充等為之備天子知事泄帥左右攻相府太子舍人成濟抽
戈犯蹕刺之刃出于背天子崩于車中帝于是歸罪成濟夷濟三族立燕王宇之子璜為帝○四年帝命
將伐蜀天子以諸侯獻捷交至乃封帝為晉公加九錫帝以禮辭讓司空鄭冲率羣臣勸進帝乃受命○
咸熙元年進帝尊為王二年天子命帝冕十有二旒建天子旌旗出警入蹕皆如帝者之儀是年秋帝崩
年五十五武帝受禪追尊號曰文皇帝

史臣曰世宗以睿畧創基太祖以雄才成務事殷之迹空存剪商之志彌遠三分天下功業在焉及踰

劍銷氛澤靜亂桐宮晉武或所不堪者乃體以名臣格之端接周公流連于此歲魏武得意于茲日軒縣之樂大啟南陽師整之圖於焉北面壯矣哉包舉夫人者也為帝之主不亦難乎贊曰世宗繼文邦權未分三千之士其從如雲世祖無外靈閣靜氛反難討賊終為弑君

武帝

武皇帝諱炎字安世文帝長子也寬惠仁厚沉深有度量累遷中撫軍及晉國建立為世子拜撫軍大將軍初文帝以景帝既宣帝之嫡早世無後以帝弟攸為嗣特加愛異自謂攝居相位百年之後大業宜歸攸每曰此景王之天下也吾何與焉將議立世子屬意于攸何曾等固爭曰中撫軍聰明神武有超世之才髮委地手過膝此非人臣之相也由是遂定文帝崩嗣相國晉王位是時晉德既洽四海宅心于是天子知曆數有在乃使太保鄭冲奉策帝初以禮讓魏朝公卿何曾等固請乃從之

泰始元年即皇帝位

二年三月吳人來弔祭有司奏為答詔帝曰昔漢文光武懷撫尉佗公孫述皆未正君臣之儀所以羈縻未實也皓遣使之始未知國慶但以書答之秋七月辛巳營太廟致荆山之木采華山之石鑄銅柱十二塗以黃金鑲以百物綴以明珠十月詔曰昔舜葬蒼梧農不易畝禹葬成紀市不改肆上惟祖考清簡之旨所從陵十里內居人動為煩擾一切停之

八年帝與右將軍皇甫陶論事陶與帝爭言散騎常侍鄭徽表請罪之帝曰讓言寒謫所望于左右也人主當以阿媚為患豈以爭臣為損哉徽越職妄奏豈朕之意遂免徽官

九年制女年十七父母不嫁者使長吏配之

咸寧元年三月帝將射雉虞預麥苗而止

四年十一月太醫司馬程據獻雉頭裘帝以奇技異服典禮所禁焚之于殿前

五年十月汲郡人不準掘魏襄王冢得竹簡小篆古書十餘萬言藏于祕府十一月大舉伐吳

太康元年三月龍驤將軍王濬以舟師至于建鄴之石頭孫皓大懼面縛與觀降於軍門濬杖節解縛焚檣送於京都收其圖籍

二年詔選擇皓妓妾五千人入宮

太熙元年四月帝崩時年五十五廟號世祖○帝明達善謀能斷大事承魏氏奢侈刻禁之後百姓思古之遺風乃厲以恭儉有司嘗奏御牛青絲割斷詔以青麻代之平吳之後天下又安遂怠于政術耽于遊宴寵愛后黨親貴當權舊臣不得專任典章廢諸行矣既而寢疾彌留楊后執詔以楊駿輔政中朝之亂實始于斯

制曰武皇承基誕膺天命握圖御宇敷化導民以佚代勞以治易亂絕繆綸之貢去雕琢之飾制奢俗以變儉約止澆風而返純朴雅好直言留心采擢劉毅裴楷以質直見容嵇紹許奇雖仇讐不棄仁以御物寬以得衆宏曷大度有帝王之量焉於時民和俗靜家給人足幸修武用思啟封疆決神翼於深衷斷雄圖于議表馬隆西伐王濬南征師不延時陳虜前滅兵無血刃楊越為墟通上代之不通服前王之未服禎祥願應風教肅清天人之功成矣霸王之業大矣雖登封之禮讓而不為驕泰之心因斯以起見土地之廣謂萬葉以無虞觀天下之安謂千年而永治不知處廣以思狹則廣可長廣居治而忘危則治無常治如之建立非所委寄失才志欲就于昇平行先迎于禍亂是猶將適越者指沙漠以連遠欲登山者涉舟航而覓路所趣適遠所向轉難南北倍殊高下相反求其至也不亦難乎況以新習易動之基而無久安難拔之慮故賈充凶惡懷好志以權權楊駿付狼包禍心以專輔及乎宮車晚

出諫聞末周藩翰變親以成疎連兵競滅其本棟梁回忠而起偽擁衆各舉其威曾未數年紀綱大亂
海內版蕩宗廟播遷帝道王猷反居文身之俗神州赤縣翻成被髮之鄉葉所太以資人掩其小而自
託爲天下笑其故何哉良由失慎于前所以貽患于後且知子者賢父知臣者明君子不肖則家亡臣
不忠則國亂國亂不可以安也家亡不可以全也是以君子防其始聖人閑其端而世祖武王最之奸
謀迷王澤之偽策心屢移于衆口事不定于己圖元海當除而不除卒令撥亂區夏惠帝可廢而不廢
終使傾覆洪基夫全一人者德之輕拯天下者功之重棄一子者忍之小安社稷者孝之大況乎資三
世而成業延二孽以衰之所謂取輕德而捨重功畏小忍而忘大孝聖賢之道豈若斯乎雖則善始于
初而非令終于末所以殷勤史策不能無慷慨焉

李惠帝

孝惠帝諱衷字正度武帝第二子也武帝崩即皇帝位大赦改元爲永熙以太尉楊駿爲太傅輔政改永
熙爲永平

永平元年三月誅太傅楊駿等賈后矯詔廢皇太后楊氏爲庶人徙于金墉城
二年賈后弑皇太后于金墉城

五年十月武庫火焚累代之寶

九年廢皇太子適爲庶人及殺太子母謝氏

永康元年三月賈后矯詔害庶人適于許昌四月梁王彤趙王倫矯詔廢賈后爲庶人未幾復矯詔害賈
庶人

永寧元年正月趙王倫篡帝位遷帝于金墉城改金墉曰永昌宮三月平東將軍齊王冏起兵以討倫四

月王與王淮勤兵入宮禽倫黨孫秀等斬之遂倫歸第即日乘輿反正羣臣頓首謝罪帝曰非諸卿之過也于是誅趙王倫及其黨與

永安元年河間王顥表請立成都王穎為太弟遂下詔以穎為皇太弟右衛將軍陳旌以詔召百寮入殿中因勒兵討成都王穎司徒王戎等奉帝北征至安陽梁十餘萬穎遣其將石超距戰六軍敗績帝傷穎中三矢亡六璽帝遂幸超軍餘其超遁水左右奉秋桃穎帥羣臣迎謁道左乃備法駕幸於鄴改元為建武○安北將軍王浚遣烏丸騎攻成都王穎於鄴大敗之穎與帝單車走洛陽服御分散倉卒上下無衛侍中黃門被囊中齎私錢三千詔貸用所在買飯以供宮人有持升餘糲米飯及燥蒜鹽豉以進帝帝噉之御中黃門布被有老父獻羹難帝受之至溫將謁陵帝喪履納從者之履下拜流涕左右皆獻歎及濟河河間王顥將張方帥騎三千奉迎因勅帝幸長安行次新安寒甚帝墮馬傷足河間王顥帥官屬步騎三萬迎于霸上以征西府為宮唯僕射荀藩司隸劉暉太常鄭球河南尹周馥在洛陽為留臺承制行事號為東西臺焉改元復為永安十二月詔成都王穎還第以豫章王璠為皇太弟

光熙元年五月東海王越遣其將祁弘等奉帝還洛陽帝乘牛車行宮藉草公卿跋涉十一月帝崩時年四十八○帝之高太子也朝廷咸知不堪政事武帝亦疑焉嘗召東宮官屬便以尚書事令太子決之帝不能對賈妃遣左右代對多引古義給使張泓曰太子不學陛下所知今宜以事斷不可引書妃從之泓乃具草令帝書之武帝覽而大悅太子遂安及居大位政出羣下綱紀大壞皆歸公行忠賢路絕諛諛得志更相薦舉天下謂之互市焉高平王作釋時論南陽魯褒作錢神論盧江杜嵩作任子春秋皆疾時之作也帝又常在華林園聞蝦蟆聲謂左右曰此鳴者為官乎為私乎或對曰在官地為官在私地為私及天下荒亂百姓餓死帝曰何不食肉糜其蒙蔽皆此類也後因食餅中毒而崩歿云司馬越燬之

史臣曰不才之子則天稱大權非帝出政適有人獲如共叔帶並與襄后與太戎俱運昔者丹朱不肖
祖王逃責相彼凶德事關休咎方乎土梗以隨其情海署之氣將闡淫蓋之音章記乃彰嘆笑用符顓
頤豈通才俊彥猶形于前代增淫助虐獨擅于當今者歟物號忠良于茲拔本人稱妖孽自此疏源長
樂不祥承華非命生靈板蕩社稷丘墟古者敗國亡身分鑣共軛不有亂常則多庸暗豈神明喪其精
魄武皇不知其子也

贊曰惠皇居尊臨朝聽言厭體斯昧其情則昏高臺諸子長夜吳寬金璫毀冤蕩陰釋曹及爾皆亡滔
天來邁

老懷帝

孝懷帝諱嶽字豐度武帝第二十五子也太熙元年封豫章郡王屬惠帝之時宗室遭禍帝冲素自守門
絕賓游專玩史籍有譽於時十二月立為皇太子帝以清河王覃本太子也懼不敢當典書令脩肅勸帝
云云帝曰卿吾之宋昌也乃從之惠帝崩即皇帝位以太傅東海王越輔政
永嘉元年洛陽步廣里地陷有二鵝出色蒼者冲天白者不能飛九月有大星如日小者如斗自西方流
于東北天盡赤俄有聲如雷

二年十月劉元海僭帝號於平陽仍稱漢

四年六月劉元海死其子和嗣傷位和弟聰弒和而自立七月劉聰從弟曜及其將石勒圍懷十月東海
王越羽檄徵天下兵帝謂使者曰為我語諸征鎮若今日尚可救後則無逮矣時莫有至者十一月東海
王越帥眾出許昌以行臺自隨官省無復守衛荒饑日甚盜賊公行枹鼓之音不絕

五年東海王越薨四月石勒追東海王越喪及於東郡將軍錢端戰死軍潰王公已下死者十餘萬人東

海世子毗及宗室四十八王尋又没于石勒六月劉曜王彌石勒同寇洛川王師頗為賊所敗丁酉劉曜王彌入京師帝開華林園門出河陰鵜池欲幸長安為曜等所追及曜等遂焚燒宮廟逼辱妃后百官士噤死者三萬餘人帝蒙塵于平陽劉聰以帝為會稽公

七年正月劉聰大會使帝著青衣行酒侍中庾珉號哭聰惡之帝遇弑明年平陽時年三十○帝初誕有嘉禾生于豫章之南昌先是預言者云豫章有天子氣其後竟以豫章王為昌太弟

孝惠帝

孝惠帝諱鄴字彥旗武帝孫吳孝王晏之子也出繼後伯父秦獻王東襲封秦王及洛陽傾覆避難於滎陽密縣自密南趨許都豫州刺史閭與雍州刺史賈疋迎衛達於長安秦王為昌太子賈王討賊遇害眾推始平太守趙允領雍州刺史為盟主承制選置

建興元年四月秦懷帝崩閭遂即皇帝位八月劉蜀等達于楊州改建鄴為建康改鄴為臨章

三年六月盜發漢霸杜二陵及薄太后陵太后面如紅得金玉綵帛不可勝紀時以朝廷草創服章多闕勅收其餘以實內府

四年七月劉曜攻北地趙允師步騎三萬救之王師不戰而潰八月劉曜偏京師內外斷絕趙允與公卿守長安小城以自固十月京師飢甚米斗金三兩大倉有麴數十餅趙允屑為粥以供帝至是復盡帝泣謂允曰今窘厄如此外無救援死於社稷是朕事也然念將士暴露斯酷今欲聞城未陷為蓋死之事庶令黎元免屠爛之苦行矣遣書朕意決矣使侍中宋徽送牋於曜帝乘羊車肉袒銜璧出降趙允號泣攀車御史中丞吉朗自殺帝蒙塵於平陽趙允及羣官並從劉聰假帝懷安侯臨殿帝稽首於前趙允伏地慟哭因自殺五年三月琅邪王睿承制改元稱晉王於建康七月大旱為蝗石勒亦斃取百姓木

時人謂之胡蝗○十一月劉聰出獵令帝行車騎將軍戎服執戟為導百姓聚而觀之故老或歎流涕
聰聞而惡之聰因大會使帝行酒洗爵反而更太又使帝執蓋晉臣在坐者多失聲而泣十二月帝遇弒
崩于平陽時年十八○帝之繼皇統也屬永嘉之亂長安城中戶不及百墻宇頽毀蒿棘成林朝廷無車
馬章服唯桑版署號而已

史臣曰昔炎暉杪暮英雄多假于宗室金縢韜華輒沛共推于懷陰樊陽寂寥兵車靡會量力不足而
情有餘乎喋喋遺萌苟存其主暨後詩人愛其棠樹夫有非常之事而無非常之功詳觀發迹用非天
啟是以輿棺齒劍可得而言焉於時五岳三塗並皆淪寇龍川牛首故以立君股肱非挑戰之秋劉石
有滔天之勢療飢中斷嬰戈外絕兩京淪坎再駕徂戎周王隕首于驪峰衛公亡肝于淇上思為一郡
其可得乎于寶有言曰昔高祖宣皇帝以雄才碩量應時而任值魏太祖創基之初善畫圖嘉謀屢
中遂服輿軫馳驅三世性深阻有若城府而能寬綽以容納行任數以御物而知人善採拔故賢愚咸
懷大小舉力爾乃取鄴艾於襄瓊引周秦於行役委以文武各兼其事故能西擒孟達東舉公孫內夷
曹爽外襲王凌神畧獨斷征伐四討維御廢后大權在己于是百姓與能大象始構世宗承基太祖繼
業玄豐亂內欽誕寇外潛謀雖密而在機必兆淮浦再擾而許洛不震咸黜異圖用融前列然後推轂
鍾鄩長驅庸蜀三關雷掃劉禪入臣天付人事於是信矣始當非常之禮終受備物之錫至於世祖遂
享皇極仁以厚下儉以足用和而不弛寬而能斷故民詠維新四海悅勸矣聿脩祖宗之志思輯戰國
之苦腹心不同公卿異議而獲納羊祜之策杖王柱之決役不二時江湘來同掩唐虞之舊域頌正朔
于八荒天下畫同文車同軌牛馬被野餘糧委畝故於時有天下無窮人之說雖太平未洽亦足以明
史奉其法民樂其生矣○武皇既崩山陵未就而楊駿被誅母后廢黜尋以二公是王之變宗子無難

城之助師尹無具瞻之責至乃易天子以太上之號而有免官之誅民不見德惟亂是聞朝為伊周夕成桀蹠善惡陷於成敗毀譽皆於世利內外混淆庶官失才名寔反錯天綱解紐國政迭移于亂人禁兵外散于四方方岳無鈞石之鎮關門無結草之固季辰石冰傾之於荆揚元海王彌撓之于青冀戎羯稱制二帝失尊何哉樹立失權托付非才四維不張而苟且之政多也夫作法于治其弊猶亂作法于亂誰能救之彼元海者繇石之將兵都尉王彌者青州之散吏也蓋皆弓馬之王驅走之人非有吳王先王諸葛孔明之能也新起之寇烏合之眾非吳蜀之敵也脫未為兵劉案為旗非戰國之器也自下逆上非鄰國之勢也然而援天下如驅羣羊舉二都如拾遺芥將相王侯連頸受戮豈不哀哉○天下大器也羣生厚勢也愛惡相攻利害相奪其勢常也若積水于防燎火于原末當靜也器大者不可以小道治勢重者不可以爭競援古先哲王知其然也是以抒其大惠禦其大災百姓皆知上德之生己而不謂其浚己以生也是以感而應之悅而歸之如晨風之翬北林龍魚之趣藪澤也然後設禮文以理之斷刑罰以威之謹好惡以示之審禍福以喻之求明察以官之尊慈愛以固之故眾知向方皆樂其生而哀其死悅其教而安其俗廉耻篤於家閭邪僻消於胸懷故其民有見危以授命而不求生以害義又況可奮臂大呼聚之以千紀作亂乎暴虐則難傾根深則難拔理節則不亂腰結則不遷是以昔之有天下者之所以長久也夫豈無解王賴道德典型以維持之也○昔周之興也后稷生于姜嫄而天命昭顯文武之功起於后稷至於公劉遭夏人之亂去邠之邠身服厥勞至于大王為戎翟所逼而不忍百姓之命杖策而去之故從之如歸市一年成邑二年成都三年五倍其初至于王季能殖其德音至於文王而惟新其命由此觀之周家世積忠厚仁及草木內隆九族外尊事耆耄以成其福祿者也而其后妃躬行四教尊敬師傅服澣濯之衣脩煩辱之事化天下以成婦道是以漢濱之女

守潔白之志中林之士有純一之德始於憂勤終於逸樂以三聖之智伐獨夫之紂猶正其名教曰逆
取順守及周公遺囑陳后稷先公風化之所由致王業之艱難者則皆農夫女工衣食之事也故自后
稷之始基靖民十五王而文始平之十六王而武始居之十八王而康克安之故其積基樹本經緯禮
俗節理人情恤隱民事如此之纏綿也今晉之興也功烈於百王事捷於三代宣景遭多難之時誅無
孽以便事不及脩公劉大王之仁也受遺輔政屢遷廢置故齊王不明不恤愚庸于臺高貴冲人不得
復子明辟也二祖逼禪代之期不暇待參分八百之會也是其創基立本異于先代者也加以朝夏純
純德之人鄉之不貳之老風俗淫廉耻失所學者以莊老為宗而黜六經談者以虛蕩為辨而賤名檢
行身者以放濁為通而狹節信進仕者以苟得為貴而鄙居正當官者以望美為高而笑勤恪是以劉
頌屢言治道傳咸每糾邪正皆謂之俗吏其倚杖虛曠依阿無心者皆名重海內若天文王日旰不暇
食仲山甫夙夜匪懈者蓋其嗤黜以為灰塵矣由是毀譽亂於善惡實情隱奔於貨欲之塗選者為
人擇官官者為身擇利而執鈞當軸之士身兼官以十數大極其尊小極其要而世族貴戚之子弟陵
邁超越不拘資次悠悠風塵皆奔競之士列官千百無讓賢之舉子真者常讓而莫之省子推制九班
而不得用其婦女莊飾纖絳皆取成於婢僕未嘗知女工絲枲之業中饋酒食之事也先時而婚任情
而動故皆不耻淫佚之過不拘妬忌之惡父兄不之罪也天下莫之非也又況責之間四教千古脩貞
順子今以輔佐君子者禮法刑政於此大壞如水斯積而決其隄防如火斯蓄而離其燔原也故觀
阮籍之行而覺禮教崩弛之所由也察庾純賈允之事而見師尹之多僻致平吳之功而知將帥之不
讓患郭欽之謀而寤戎狄有變脅傳多勳殺之言而得百官之邪核傳咸之奏錢神之論而觀羣賂之
彰民風國勢如此雖以中庸之才守文之主治之卒有必見之於祭祀季札必得之于聲響范蠡必為

之請死賈誼必燕之痛哭又況我惠帝以放蕩之德臨之哉懷帝承亂得位羈于彊臣愍帝奔播之後徒廁其虛名天下之政既去非命世之雄才不能取之矣淳耀之列未渝故大命重集于中宗元皇帝贊曰懷佩玉靈應居黃屋繫三山鯨吞九服獲入金商宮居未央園顯盡仆方趾咸僅大夫反首從我平陽主憂臣哭于何不賦

東萊先生晉書詳節卷之二

東晉本紀

元帝

元帝諱廢字景文宣帝曹孫琅邪恭王觀之子也咸寧二年生于洛陽有神光之異一室盡明所籍書如始刻及長白豪生于日角之左隆準龍顏目有精曜顧盼煒如也年十五嗣位琅邪王幼有令聞侍中嵇紹謂人曰琅邪王毛骨非常殆非人臣之相也永嘉初用王導計始鎮建都愍帝即位進位丞相大都督中外諸軍事及西都不守帝移檄四方檄天下之兵刺日進討時有玉冊見于臨安白玉麒麟神靈出于江寧其文曰長壽萬年日有重暈皆以爲中興之表焉

建武元年三月西陽王義等上尊號帝不許義等以死固諫帝慨然流涕曰孤罪人也惟有蹈節死義以雪天下之耻庶贖鉄鉞之誅吾本琅邪王諸賢見逼不已乃呼私奴命駕將反國羣臣乃不敢逼請依魏晉故事晉王許之乃即王位諸參軍拜奉車都尉掾屬焉都尉辟掾屬百餘人時人謂之百六掾乃備百官立宗廟社稷于建康

大興元年三月愍帝崩問至于足即皇帝位七月劉聰死其子黎嗣僞位八月新準弒劉黎自號漢王十月劉曜僞即皇帝位于赤辟十二月劉聰故相王騰等斬新準送傳國璽于劉曜

二年十一月石勒僭即王位國號趙

永昌元年正月大將軍王敦舉兵於武昌以誅劉琨為名龍驤將軍沈充帥眾應之閏十一月帝崩時年四十七○帝性簡儉冲素容納直言初鎮江東頗以酒廢事王導深以為言帝命酌引觴覆之於此遂絕有司嘗奏太極殿廣室施絳帳帝曰漢文集上書畫畫為帷遂令冬施青布夏施青練帷帳將拜貴人有司請市雀釵帝以煩費不許所幸鄭夫人衣無文練始泰時望氣者云五百年後金陵有天子氣故始皇東海以厭之改其地曰秣陵漸北山以絕其勢及孫權之稱號自謂當之孫盛以謂始皇遣子孫氏四百三十七載考其曆數猶為未及元帝之渡江也乃五百二十六年真人之應在於此矣天意人事又符中興之兆太安之際童謡云五馬浮渡江一馬化為龍識者以為吳越之地當興王者是歲帝與西陽汝南南頓彭城五王獲濟而帝竟大位焉○初玄石圖有牛繼馬後故宣帝深忌牛氏遂為二犢共一口以貶酒帝先飲佳者而以毒酒鵠其將牛金而恭王妃夏侯氏竟通小吏牛氏而生元帝亦有符云

史臣曰晉氏不虞自中流外五胡扛鼎七廟墮尊滔天方駕則民懷其舊德者矣晉光武以數郡加名元皇以一州臨極豈武皇餘化猶暢乎琅邪文景垂仁傳芳于南頓所謂後乎天時先諸人事者也駢章獻號高蓋成陰星斗呈祥金陵表慶陶士行擁三州之旅郢外以安王茂弘為分陝之計江東可立或高旌未拂而還心斯偃回首朝陽仰希乾棟帝猶六議不居七辭而不免也布帳練帷詳刑簡化抑揚前軌光啟中興古者私家不畜甲兵大臣不為威福王之常制以訓股肱中宗失馭彊臣自亡齊俗兩京胡羯風埃相望雖復六月之駕無聞而鴻雁之數方遠寧國無幾哀哉

明帝

明帝諱紹字道畿元帝長子也幼而聰哲為元帝所寵異年數歲嘗置膝前屬長安使來帝因問曰汝

謂曰與長安孰遠對曰長安近不聞人從日邊來唐然可知也元帝異之明日宴羣僚又問之對曰日近元帝失色曰何乃異問者之言乎對曰舉目則見日不見長安由是羣僚奇之元帝為晉王立為晉王太子及帝即尊號立為皇太子性至孝有文武才畧王敦欲誣以不孝而廢焉大會百官而問中庶子溫囑曰皇太子以何德稱聲色俱厲必欲使有言囑對曰鈞深致遠蓋非淺局所量以禮觀之可稱為孝矣敦謀遂止元帝崩即皇帝位

太寧元年春黃霧四塞京師火

二年王敦舉兵內向帝密知之乃乘巴滇駿馬微行至于湖陰暮救營壘而出有軍士疑帝非常人又救正晝寢夢日環其城驚起曰此必黃鬚鮮卑奴來也帝母苟氏燕代人帝狀類外氏黃鬚故謂帝云於是使五騎物色追帝帝亦馳去馬有遺翼輒以水灌之見逆旅賣食姬以七寶鞭與之曰後有騎來可以此示也俄而追者至問姬姬曰去已遠矣因以鞭示之五騎傳玩稽留遲久又見馬翼冷以為信遠不追帝僅獲免秋七月帝躬率六軍與敦戰于越城大破之斬其前鋒將何康王敦憤愧而死賊燒營遁分遣諸將追其黨與悉平之

三年閏八月帝崩年二十七帝聰明有機斷規模宏遠矣

史臣曰維揚作寓馮帝洪流楚江恆戰方城對敵不得不推誠將相以總戎麾樓船萬計兵倍王室虛其利而無心者周公其人也威權外假嫌隙內興彼有順流之師此無強藩之援商達九亂竟止八音明皇貴圖霸在茲日運龍韜于掌握起天旂于江靡燦其餘燼有若秋原去穢經而隱戎場斬鯨鯢而拜國闕鎮削威權州分江漢震車不踐貽厥孫謀其後七十餘年終罹敬道之害或曰興亡在運非止上流豈創制不殊而弘之者異也